

青主女科

午31
6-221

胎前



傳
青
主
女
科



同治八年
崇文書局開雕



序

青主先生於明季時以諸生伏闕上書訟袁臨侯冤事
尋得白當時義聲動天下馬文甬義士傳比之裴瑜
邵國變後隱居岵嶠山中四方仰望丰采己未鴻詞
薦先生堅卧不赴有司敦促就道先生卒守介節

聖祖仁皇帝鑒其誠降

旨傅山文學素著念其年邁從優加銜以示恩榮遂授內閣
中書聽其回籍蓋其高尚之志已久爲


聖天子所心重矣而世之稱者乃盛傳其字學與醫術不已
細哉字爲六藝之一先生固嘗究心若醫者先生所以
晦迹而逃名者也而名即隨之抑可奇矣且夫醫亦何
可易言自後漢張仲景翔立方書以來幾二千年專門

名家罕有窮其奧者先主以餘事及之遽通乎神余讀
兼濟堂文集並觚牘諸書記先生軼事其診疾也
臧其用方也奇而法有罪東垣丹溪諸人所能及者
人稱張仲景有神思而乏高韻故以方術名先生既擅
高韻又饒精思賢者不可池如是耶向聞先生有手
女科並產後書二冊未之見也近得鈔本於友人處乙
酉適世兄王奎章來省試具道李子緝中賢至丙戌冬
果寄貲命付劄劄甚盛德事也故樂爲序而行之並述
先生生平大節及

聖朝廣大之典不禁爲之掩卷而三歎也道光丁亥夏五月

丹崖張鳳翔題

執成方而治病古今之大患也昔人云用古方治今病如拆舊屋蓋新房不經大匠之手經營如何得宜誠哉是言昔張仲景先生作傷寒論立一百一十三方言後世必有執其方以誤人者甚矣成方之不可執也然則今之女科一書何爲而刻乎此書爲傳青主徵君手著其居心與仲景同而立方與仲景異何言之仲景傷寒論雜症也有五運六氣之殊有中表傳裏之異或太陽太陰不一其稟或丙傷外感不一其原或陽極似陰陰極似陽不一其狀非精心辨症因病製方斷不能易危就安應手卽愈此書則不然其方專爲女科而設其症則爲婦女所同帶下血崩調經種子以及胎前產後人



雖有虛實寒熱之分而方則極平易精詳之至故用之
當時而效傳之後世而無不效非若傷寒雜病必待臨
症詳審化裁通變始無貽誤也嘗慨後世方書汗牛充
棟然或偏攻偏補專於一家主熱主寒堅執謬論炫
己之才華失古人之精奧仲景而後求其貫徹靈素能
收十全之效者不數數覩讀徵君此書談症不落古人
窠臼制方不失古人準繩用藥純和無一峻品辨症詳
明一目了然病重者十劑奏功病淺者數服立愈較仲
景之傷寒論方雖不同而濟世之功則一也此書晉省
鈔本甚夥然多秘而不傳間有減去藥味錯亂分量者
彼此參證多不相符茲不揣冒昧詳校而重刊之竊願
家置一編遇症翻檢照方煎服必能立起沉痾並登壽

域或亦濟人利世之一端也夫
道光十一年新正上元同里後學
邢爾誠謹序



女科上卷目錄

其三十八條三十九症四十一方

帶下

白帶 完帶湯

青帶 加減逍遙散

黃帶 易黃湯

黑帶 利火湯

赤帶 清肝止淋湯

血崩

昏暗 固本止崩湯

年老血崩 加減當歸補血湯

少婦血崩 固氣散

交感血出 引精止血湯



鬱結血崩 平肝開鬱止血湯

閃跌血崩 逐瘀止血湯

血海太熱血崩 清海丸

鬼胎

婦人鬼胎 蕩鬼湯 紅花霹靂散

室女鬼胎 蕩邪散 調正湯

調經

經水先期 水火太旺清經散 撮火旺水虧兩地湯

經水後期 溫經掃血湯

經水先後無定期 定經湯

經水數月一行 助仙丹

年老經水復行 安老湯



經水忽來忽斷時疼時止 加芩四物湯

經水未來腹先疼 宜鬱通經湯

行經後小腹疼痛 調肝湯

經前腹疼吐血 順經湯

經水將來臍下先疼痛 溫臍化濕湯

經水過多 加減四物湯

經前先洩水 健固湯

經前大便血 順經兩安湯

年未老經水斷 益經湯

種子

身瘦不孕 養精種玉湯

胸滿不思食不孕 并提湯



南京中医药大学图书馆藏

下部冰冷不受孕 温胞飲

胸滿少食不受孕 温上毓麟湯

少腹急迫不受孕 寬帶湯

嫉妬不孕 開鬱種王湯

肥胖不受孕 加味補中益氣湯

骨蒸夜熱不受孕 清骨滋腎湯

腰酸腹脹不受孕 升帶湯

便澁腹脹足浮腫不受孕 化水種子湯



女科上卷

陽曲傅 山青主手著

白帶下 一

夫帶下俱是濕症而以帶名者因帶脉不能約束而
 此病故以名之蓋帶脉通於任督任督病而帶脉始
 帶脉者所以約束胞胎之系也帶脉無力則難以提繫
 必然胎胞不固故曰帶弱則胎易墜帶傷則胎不牢然
 而帶脉之傷非獨跌閃挫氣已也或行房而放縱或飲
 酒而顛狂雖無疼痛之苦而有暗耗之害則氣不能化
 經水而反變為帶病矣故病帶者惟尼僧寡婦出嫁之
 女多有之而在室女則少也况加以脾氣之虛肝氣之
 鬱濕氣之侵熱氣之逼安得不成帶下之病哉故婦人

婦科一門
 最屬難治
 不難於用
 方難於辨
 症也五帶
 症辨之極
 明立方極
 善倘用之
 不效者必
 其人經水

女科上

帶下

一



不調須於
調經種子
二門參酌
治之無不
見效即即
白帶症但
服藥不效
其人必經
水過期少
腹急迫宜
服寬帶湯
餘宜類參
方見三十
三

有終年累月下流白物如涕如唾不能禁止甚則臭穢
者所謂白帶也夫白帶乃濕盛而火衰肝鬱而氣弱則
脾土受傷濕土之氣下陷是以脾精不守不能化榮血
以為經水反變成白滑之物由陰門直下欲自禁而不
可得也治法宜大補脾胃之氣稍佐以舒肝之品使風
木不閉塞於地中則地氣自升騰於天上脾氣健而濕
氣消自無白帶之患矣方用完帶湯

白朮一兩 山藥一兩 人參二錢 白芍五錢
土炒 炒 酒炒

車前子三錢 蒼朮三錢 甘草一錢 陳皮五分
酒炒 製

黑芥穗五分 柴胡六分

水煎服二劑輕四劑止六劑則白帶全愈此方脾胃
肝三經同治之法寓補於散之中寄消於升之內開



脾土喜燥而惡濕土病濕則木必乘之木又為濕土之氣所侮故肝亦病逍遙散減去當歸妙

提肝木之氣則肝血不燥何至下尅脾土補益脾土之元則脾氣不濕何難分消水氣至於補脾而兼以補胃者由裏以及表也脾非胃氣之強則脾之氣不能旺是補胃正所以補脾耳

青帶下二

婦人有帶下而色青者甚則綠如菜豆汁稠粘不斷其氣腥臭所謂青帶也夫青帶乃肝經之濕熱肝屬木木色屬青帶下流如菜豆汁明明是肝木之病矣但肝木最喜水潤濕亦水之積似濕非肝木之所惡何以竟成青帶之症不知水為肝木之所喜而濕實肝木之所惡以濕為土之氣故也以所惡者合之所喜必有違者矣肝之性既違則肝之氣必逆氣欲上升而濕欲下降兩



相牽掣以停住於中焦之間而走於帶脉遂從陰器而出其色青綠者正以其乘肝木之氣化也逆輕者熱必輕而色青逆重者熱必重而色綠似乎治青易而治綠難然而均無所難也解肝木之火利膀胱之水則青綠之帶病均去矣方用加減逍遙散

茯苓 五錢 白芍 酒炒 五錢 甘草 生用 五錢 柴胡 一錢 茵陳 三錢

陳皮 一錢 梔子 炒 三錢

水煎服二劑而色淡四劑而青綠之帶絕不必過劑矣夫逍遙散之立法也乃解肝鬱之藥耳何以治青帶若斯其神與蓋濕熱留於肝經因肝氣之鬱也鬱則必逆逍遙散最能解肝之鬱與逆鬱逆之氣既解則濕熱難留而又益之以茵陳之利濕梔子之清熱

丹邪元邪
四字未晰



易以真
不真火為

熱之氣

侵繞於

脉云云

無語病

原書究

可輕改

如仍之

攻丹元指

體而言

熱即水

不正之

所以為

合成者

伊銀傾

入鑄銅便

不成正色

矣真水真

火與邪混
合為一則

肝氣得清而青綠之帶又何自來此方之所以奇而
效捷也倘僅以利濕清熱治青帶而置肝氣於不問
安有止帶之日哉

黃帶下三

婦人有帶下而色黃者宛如黃茶濃汁其氣腥穢所謂
黃帶是也夫黃帶乃任脉之濕熱也任脉本不能容水
濕氣安得而入而化為黃帶乎不知帶脉橫生通於任
脉任脉直上走於唇齒唇齒之間原有不斷之泉下貫
於任脉以化精使任脉無熱氣之繞則口中之津液盡
化為精以入於腎矣惟有熱邪存於下焦之間則津液
不能化精而反化濕也夫濕者土之氣實水之侵熱者
火之氣實木之生水色本黑火色本紅今濕與熱合欲

